



1. Որքան կուգեմ, օրհնյալ Տեր իմ,
Փարվեմ Քո կրծքին,
Որ պատմեմ Քեզ ցավերս բոլոր,
Բացեմ սիրտը իմ:

Բացատրես ինձ Քո սերն անհուն,
Որ ես հասկանամ
Եվ այս ունայն կյանքի մեջ
Քեզ չմոռանամ:

2. Ձեռքերիդ մեջ է կյանքը իմ
Այնտեղ՝ երկնքում,
Ուր սուրբերն ու հրեշտակները
Քեզ են գովերգում:

Թագավորի՜ր Դու իմ սրտում
Երկնային փառքով,
Որ ձգտի երկինք սիրտն իմ,
Ապրեմ Քեզ անով:

3. Ո՛վ Տեր, Դու շատ բարձրերում ես,
Բայց սրտով՝ խոնարհ,
Քո փառքը երկնքից վեր է,
Ու սերդ՝ անմար:

Թագավորի՜ր Դու իմ սրտում,
Լինեմ ես խոնարհ,
Տեսնեմ սերդ իմ կյանքում,
Ապրեմ Քեզ համար: